

大日本史

七十五

源賴朝上
將軍列傳
第二百七十九卷

源賴朝下
將軍列傳
第二百八十卷

和	書	門
二〇	二五	八
一五	五	三
〇	二	八
冊	架	函
號	號	類

内閣文庫	
番號	和 20358
冊數	150 (75)
函號	138 105

庫	文
三八	二〇
函	一五
二〇	五〇
架	冊
號	類

架冊〇五
六五曆和



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大日本史卷之一百七十九

淺草文庫

大將軍一列傳第一百六

源賴朝上

權中納言從三位源光圀

權中納言從三位綱條

權中納言從三位治保重校

將軍一列傳第一百六

源賴朝上

將帥之任古今所重統節制之師貞否臧之

不重哉古者征伐非車駕親臨則遣皇子誅
鋤旌旆所指不旋踵就戮而別遣將軍鎮遐
方者自崇神帝始焉迨應神朝而置內官家
於任那以綏撫諸韓齊明朝建政所於蝦夷
以控制肅慎爾後征夷征東建置不一有事
則命事平則罷唯陸奧出羽遐裔僻壤爲邊
徼之阨塞故鎮守府將軍世以才選源賴朝
拜征夷大將軍父子繼業傳三世而朝廷不
置鎮府重其任也蓋賴朝提兵殄滅平氏元

惡大憝雖就夷滅而草竊姦宄所在竝起故
欲強藩重鎮經略防禦以振肅治綱請爲天
下總追捕使而朝廷許之建牙鎌倉撫循黎
元伉健難制者莫不俯首聽命而兵馬之權
盡歸關東天下之勢自此一變矣自藤原賴
經至守邦親王皆北條氏之所立政不已出
徒擁虛器而陪臣專操兵權矣元弘建武間
板蕩流離糜爛鼎沸護良成良二親王相繼
拜征夷大將軍懷良親王爲征西將軍源顯

家爲鎮守府大將軍、元戎啓行、克壯其猶、廢而復置、亦一時之制也、當是時、足利尊氏反、旆歸順、與新田義貞東西倡義、掃蕩北條氏、天子疇勲以鎮守府將軍、而溪壑無厭、跋扈有漸、所謂征夷將軍、關東管領者、其所自署而不階王命也、旣而舉兵犯闕、乘輿南遷、陽尊光明院、視如弁髦、身據征夷大將軍之號、開府京師、以自矜大、留少子基氏于鎌倉、以爲管領、居兵馬元帥之地、而併方鎮節度之

雄、天下之勢至此又大變矣、當時征夷征西、朝廷旣拜將軍、而尊氏之號不階王命、亦列之將軍者、所以見其變也、義滿藉父祖之業、逞雄傑之才、位極人臣、任兼將相、適投南北混一之機、以鞏子孫永世之基、天下稱曰室町將軍、豈非幸歟、然尊氏之譎詐權謀、功罪不相掩、可以籠絡一世、而不可欺天下後世、果足利氏之得志邪、抑新田氏之不得志邪、天定亦能勝人、豈不信然、如其家族家臣、以

類附從作將軍傳、

源賴朝小字鬼武者、帝王編年記、源平盛衰記、左馬頭義

朝第三子也、東鑑、增鏡、平治物語、幼有器局、義

朝異之、愛過諸子、平治物語、保元三年拜皇后宮

權少進、平治元年歷右近衛將監上西門院

藏人、改補藏人、公卿補任、將、藤原信賴之反

也、授賴朝從五位下右兵衛權佐、參取愚管、鈔、公卿補

任、與父兄據大内、年甫十三、謂義朝曰、敵將

至、與坐待之、不若速攻、六波羅、衆壯其言、既

而平賴盛攻郁芳門、賴朝射殪二人、及軍敗

東走、疲甚、行睡馬上、而後父兄夜過近江森

山驛、村民羣聚將執之、賴朝斬二人、餘不敢

近、義朝使鎌田政家還覓、遇於安河、時大雪、

衆不能騎、棄甲徒步、賴朝甚艱、復與父兄相

失、平治物語、不知所嚮、適逢土豪大夫屬定康、扶

匿佛寺、屬僧護視、尋居定康家、東鑑、平家

東、近、江、人、草、野、莊、司、賴朝於居室之承塵

上、今、按、定、康、姓、關、草、野、名、關、且、其、事、近、似、疑、

一、人、也、平、治、物、語、曰、賴、朝、復、與、衆、相、失、夜、迷、

失、路、出、小、平、山、去、過、淺、井、北、郡、適、逢、老、媪、便、




俱至其家翁媪傾心善遇之留月餘又去經
 小平有漁人視賴朝知其非常人問之賴朝
 告以實漁人被之以婦人服菅芭佩刀代為
 肩之送到美濃青墓驛諸異本平治物語為
 鑑于漁人家與東明年適美濃青墓投驛長
 大炊家又去赴東國平治物語道為平賴盛臣平
 宗清所虜愚管鈔平治物語○平治物語曰
 寶刀名鬚切二物源家重器非嫡不傳義朝
 不授義平而與之賴朝及賴朝去青墓以鬚
 切屬大炊既而與之賴朝及賴朝去青墓以
 以實告乃遣人索之大炊謂今以源家寶器
 子輒與平氏甚可惜也義朝多子雖賴朝死餘
 朝與復亦未可知不如欺易以他刀示之賴
 之朝曰是則吾計濟矣曰不是則謝以非婦人
 之所能識耳遂以他刀名泉水裝如鬚切出人

之及賴朝視之果曰是清盛喜而寶之遂獻
 法皇及平氏滅法皇還賜賴朝其真者大炊
 前已致賴朝平家物語且劔卷曰賴朝到青墓
 自度浪蕩孤危不保旦父因草野莊司輸鬚
 切于外祖熱田大宮司藤原押至六波羅平
 季範藏之神殿未知孰是
 清盛拘之宗清家宗清意愍之就清盛後母
 池禪尼請宥死尼營救備至遂獲釋流于伊
 豆蛭島平治物語尼戒曰自今惟事誦經勿縱騎
 射漁獵為人所疑義朝舊臣聞其免死皆勸
 為僧以固平氏意纈纈盛安獨耳語曰郎君
 得脫神之所祐也可全形以待前途賴朝頷

之及就途士庶聚觀曰之子風彩異常流之
 遐遠放虎於野也既至伊豆清盛使伊東祐
 親北條時政監之異本平賴朝居祐親家通
 其女生男名千鶴祐親怒沈之於水以女嫁
 江間小二郎將殺賴朝祐親子祐清竊告之
 賴朝遁依時政又通其女政子時政陽為不
 知者以女嫁目代平兼隆政子夜亡奔于賴
 朝源平盛衰記目治承四年以仁王謀滅平
 氏下代據平家物語令州郡招諸源東鑑源平盛衰記平家
物語○按盛衰記載以

仁王特賜令旨及宣布之移文而諸書無所見故不取今到賴朝大喜
 密示時政共謀舉兵無何以仁王敗死三善
 康信自京師報曰如聞平氏以仁王故謀
 除諸源公為嫡宗宜潛往北國以避之賴朝
 聞之而圖平氏益急東鑑僧文覺亦從憑之愚
鈔源平盛衰記賴朝遂決意舉事遣安達盛長集兵
 東國東國將士嘗隸賴義義家世戴源氏故
 伊豆相模豪傑來附者眾賴朝與親信議先
 擊兼隆兼隆據山木要害賴朝竊遣京師人



藤原邦道與之游處款好累日悉圖其地形
選勇敢士人別延之密室諭曰此事唯與卿
議外無知者請為我力眾悅皆思自奮而至
機密之事獨與時政決焉東鑑八月使時政將
八十餘人夜襲兼隆斬之參取東鑑源平盛衰記兼隆
族人知親為蒲屋御廚吏蠹害百姓賴朝矯
以仁王令罷知親且稱東國事無莊公一皆
使賴朝知之賴朝專制關東始于此明日以
三浦義澄等未至出赴相模土肥兵僅三百

繫以仁王令旨於旗上陣于石橋山大庭景
親率兵三千來攻祐親別以三百人倚我軍
後景親迫暮挑戰賴朝麾下皆殊死戰時大
風甚雨眾寡不敵黎明遂敗走景親乘勝逐
北矢刃垂及飯田家義在景親部下率六騎
反戈拒景親賴朝得聞逃入于杉山景親來
迫加藤景員光員景廉大見政光實政佐佐
木高綱天野遠景等奮刀扞鬪賴朝自射人
馬應弦而倒矢已盡乃與土肥實平踰險潛



行、景員實政等六人亦來從、既而賴朝用實
平謀、皆使散去、獨與實平、匿景親、率兵徧索、
梶原景時、給令之他、賴朝遂得脫、○按源平

時從賴朝者、土肥實平、遠平、新開忠氏、土屋

宗遠、岡崎義實、安達盛長、六人、盛長曰、曩祖

源、豫州之討、與夷也、兵敗、從者、僅七人、遂濟

大功、今日事、正相類、賴朝喜焉、田代信綱、尋

至、敵兵且至、無處逃避、會有一大僵樹、朽穴

空、洞、乃俱匿其中、景親率兵追之、獨怪樹穴

景、時先入、與賴朝相覩、賴朝以為不免、將自

殺、景時遽救、止之、適有蜘蛛作網、取而絡之

弓、胄出、給曰、此中無物、唯袖而巳、景親

不信、以弓探穴、觸賴朝鎧、袖而巳、景親

而、鳩飛出、景親尚將剖樹視之、俄、箱根別當行

而、雷雨晝冥、遂引兵去、今不取、箱根別當行

實與為義、義朝有舊、遣弟僧永實、餉糧、迎匿

永實舍、僧良暹亦行實弟也、與平兼隆有好、

謀襲賴朝、報仇、永實告之、去赴土肥、自真鶴

碕乘舸、至安房獵島、○按源平盛衰、記曰、賴

堂、僧開堂下、窖藏之、景親追至、安房、與三浦黨

不言、因得脫去、自真鶴、碕如安房、與三浦黨

相遇、於海上、不載行、實良暹、事、盛衰、記、又曰、

賴朝、赴土肥、眾皆失、兜鍪、蓬頭、鬚、恐、人、怪、

之、欲得、烏帽、路、遇、帽、匠、大、太、郎、就、求、之、大、太


郎、遠、製、八、帽、一、帽、誤、左、折、賴、朝、偶、得、之、大、喜

曰、從、士、帽、皆、右、折、我、獨、得、左、折、自、曩、祖、八、幡

殿、世、將、軍、皆、著、左、折、帽、今、我、以、亡、人、得、之、

豈、非、天、邪、蓋、盛、衰、記、為、賴、朝、與、實、平、忠、氏、等

七、人、匿、樹、穴、故、從、而、為、之、辭、遂、有、八、帽、之、說、



據本書賴朝唯與實平匿山中、說見上、故今不取、與時政及三浦義澄等相遇、聲勢稍張、九月移檄召募徵小山朝政下河邊行平、其餘介于敵地者、令取海路而至、將赴上總、就平廣常行、一日次民舍、長狹常伴圖掩不備、義澄逆擊破之、安西景益謂賴朝曰、道路多虞、恐復有變、乃道還、遣使趣廣常及十葉常胤、使時政往甲斐、與諸源兵以徇信濃、不應者、便宜擊之、會從弟義仲起兵、信濃擊平氏、賴朝留數日、得精兵三

百餘、而廣常未至、賴朝直赴下總、常胤將三百餘騎、迎于國府、賴朝抵隅田川、廣常將二萬人來會、賴朝乃遣土屋宗遠於甲斐、告諸源曰、房總軍士悉聚麾下、我欲更率武藏上野下野兵、邀敵于駿河、諸君宜以時政為先導、會黃瀨川、又遣使武藏、諭江戶重長曰、石橋之事、既釋宿憾、可速遵令旨、率兵來赴、十月石橋潰、兵亦漸集、賴朝率兵三萬餘赴武藏、廣常常胤等具舟楫於大井隅田以濟之、

葛西清重足立遠元等來迎乃命常胤遣兵於上總擊伊北常仲斬之畠山重忠川越重賴及重長等迎降其他豪傑來附者日多於是以前重忠為前鋒常胤後拒遂如相模既而時政及武田信義等與駿河目代橘遠茂及長田入道戰敗之虜遠茂梟長田父子○平治物語曰賴朝起兵長田忠致父子來降賴朝宥其罪使屬範賴義經西討平氏及建久元年賴朝入京抵尾張野間驛祭義朝墓戮忠致父子于墓前而東鑑無其事余按忠致父雖也、不宜稽緩如此、恐不足信、此所謂長田入道者疑即忠致、而本書名闕、無所取決、賴


朝遂奠居鎌倉遷鶴岡八幡宮于小林鄉從是每有事禱焉是月清盛遣孫惟盛弟忠度等率五萬餘騎來擊軍富士河賴朝將兵二十萬逆之至黃瀨川刻日接戰信義等率二萬餘人來會乃進軍於賀島信義潛兵夜出敵後惟盛軍驚擾潰走賴朝欲逐北而西廣常義澄等曰佐竹義政○按尊卑分脈及佐竹系圖義政作忠義今從本書說叔姪擁眾在常陸其他倔強者見秀義傳尚多宜定東土而後徐議進取賴朝從之乃

命信義守駿河安田義定守遠江而旋軍至相模國府賞時政信義等二十餘人功各有差大庭景親來降斬之其餘黨景親者大率釋而不問十一月將兵如常陸誘殺佐竹義政義政姪秀義據金沙山賴朝遣兵攻之秀義逃走賴朝割其地與將士而還鎌倉以和田義盛爲侍所別當是月山本義經栢木義兼起兵近江應賴朝十二月義經等爲平知盛所敗脫身來歸前此造新館於大倉鄉至

此館成賴朝徙居之初鎌倉土壤僻陋所有唯漁戶農家於是將士競作第宅達街衢名閭里市鄣周匝人民日殷東國之人遂稱賴朝曰鎌倉殿養和元年二月菊池隆直緒方惟能起兵鎮西拒平氏以絕水陸其餘歸嚮者日衆閏二月清盛薨臨終戒子孫銳意東伐子重衡督東海道兵來擊賴朝遣和田義盛等于遠江援安田義定據形勢嚴守備賴朝叔父義廣襲鎌倉率兵三萬到下野小山


朝政擊卻之、三月弟僧義圓與叔父行家逆
 擊重衡于洲股川大敗、義圓戰死、七月更造
 鶴岡若宮、八月平宗盛請下院宣于藤原秀
 衡、發兵擊賴朝、東鑑秀衡依違不敢出師、源平盛衰
記壽永二年三月行家與賴朝不協、往信濃
 依義仲、賴朝謂勢合難制、自率十萬餘騎擊
 義仲、義仲避之、越後賴朝至白井坂、平家物語作
善光寺聞義仲引去、亦退、次武藏、責以納行家、
 義仲乞和、送子義高為質、賴朝許之、攜還鎌

倉、源平盛衰記以女妻焉、東鑑七月義仲與平
 氏戰連捷、遂逼京師、宗盛挾帝舉族西奔、法
 皇遜延曆寺、尋還京師、八月後鳥羽帝踐阼、
 法皇專決萬機、玉海、源平盛衰記、平家物語先是法皇遣
 中原康定召賴朝入朝、百鍊鈔、帝王編年時記、中原據東鑑
 法皇欲賞義仲功、然以賴朝功大而恐其生
 怨、欲待入朝同賞之、則恐義仲逞忿、公卿議
 以為賴朝雖未朝而先同賞之、若有不滿意、
 待其入朝隨請改之矣、玉海既而義仲先拜官、



留在京師、百鍊鈔參取源平盛衰記九月康定還京師、賴朝因奏三事、其一曰、頃年平氏當國、橫奪神田寺戶、是以神佛降威、罰闔族奔亡、固非臣之力所能致也、宜還田戶以報其功德、其二曰、王公卿士莊園為平氏所掠者、安堵如故、攘禍召福、無如弭人之愁怨、今臣亦利彼地、此與平氏同轍也、願廷議擇其宜、其三曰、平氏黨類棄逆歸順者、縱有罪當死、宜從未減、臣曩雖罹刑網、而幸蒙赦宥、是以能得敵王

愾以效今日之功、今緩其刑宥其死、則安知後來不復賴其力哉、輕重之權、宜在朝廷處分、朝議從之、敕東海東山二道其田戶莊園皆還本主、令賴朝校勘之、時義仲聞法皇召賴朝不悅、將發兵拒之、十月賴朝遣使奏謝曰、臣若引眾赴召、藤原秀衡佐竹隆義必窺其後、乘虛掩襲、且數萬眾一旦入朝、則恐擾都下、遂不朝、玉海是月敕復本位、玉海、公卿補任、百鍊鈔十一月源義仲反於京師、玉海、百鍊鈔是冬賴朝



殺上總介廣常

愚管鈔

○按本書無年月東

有去冬依廣常事營中穢氣

三年正月遣弟

範賴義經討義仲誅之二月範賴義經攻平

氏於攝津一谷破之斬平通盛忠度等禽平

重衡平宗盛奉養和帝走據讚岐屋島

東鑑源平

盛衰記平家物語

時兵革連年居民流離賦稅闕乏

東北諸州寢就平定而中畿西國騷擾不息

源平盛衰記

賴朝上疏曰凡政事宜遵前章務施

德惠諸國受領尤宜精簡東北二道以兵荒

故民不安居今春流民漸還田里宜至西成

命國司以力吏職又請敕畿内近畿武士堪

武技者悉從義經西討平氏至賞有功者臣

請論奏之復請神田寺戶一切復舊宜祭祀

無闕念誦匪懈若有堂社破壞者令國司繕

治之近年僧徒廢學弄兵比比而然宜嚴禁

止若其貯戎器者敕臣收之以給官兵乃至

濫縱無行者勿許公請

東鑑源平盛衰記○

疏奏法皇躋之

源平盛衰記

三月賴朝移書西海

曰、平氏之叛、我遣遠江守及左馬頭將東海
北陸兵入京、既而變起於意外、義仲謀反、與
平氏連和、我奉院宣即誅之、而平氏出沒南
海、縱掠不輟、我將遣官軍海陸竝進、速行天
討、今奉院宣、爾國人等宜歸降、以保地邑、從
軍以建戰功、又令北條時政遺書於土佐望
族國信國元○二人戮力勦平氏、東鑑是月賴
朝以誅源義仲功、敘正四位下、公卿補任、東鑑、源平盛衰
記、賴朝約將士曰、凡仕武家者、法皇有旨處

分、事無是非、一切遵奉、若有枉屈者、將徐奏

請申理之、四月質子源義高亡去、追殺之、五

月殺叔父義廣於伊勢、六月召一條忠賴於

營中殺之、東鑑七月關信兼平田家繼聚兵據

伊賀平田、參取東鑑、山槐記、源平盛衰大內惟義擊敗之、

殺家繼、八月令範賴總督九州軍事、以討平

氏、東鑑是月信兼復聚兵據伊勢瀧野、義經擊

滅之、源平盛衰記十月置公文所、以大江廣元為

別當、中原親能等為寄人、以掌故事、又置問

大日本史卷之百十九 列傳 十五

注所以三善康信為執事聽決獄訟○本書

信裁決而不載為執事建久二年條書康信

執事而不載補之之年月其詳不可考今姑

此書于十二月佐佐木盛綱敗平行盛於備前

兒島東鑑八月今彈正總督大將軍平以持平

中殊之五月關計平田家繼承其統

日時於父弟實亦對應六月日一刻出陣於

能中戰之四日曾千就善高士去皇孫之五

大日本史卷之一百七十九終

大日本史卷之一百八十

列傳第一百七十

權中納言從三位源光圀子修

男權中納言從三位綱條校

女孫權中納言從三位治保重校

將軍二外孫正房國又四叔南綱孫

源賴朝下以勳國平于常時了其事


文治元年正月範賴遣使告糧食乏絕戰艦

不給士卒思歸進取無術賴朝報書指示方

大日本史 卷一百八十 列傳 一


略、戒以勿使將士侵陵前帝太后及二位尼、
二月、範賴進至豐後、擊原田種直、大破之、是
月遣中原久經近藤國平于京師、乞院宣禁
兵士侵掠、按檢近畿諸國及西海南海、東鑑義
經發京師、總督四國軍事、攻屋島、敗之、平宗
盛挾養和帝走長門壇浦、參取玉海、東鑑、三
月、義經進兵擊平氏、大破之、養和帝崩于海
上、獲鏡璽及皇太后二宮、虜平宗盛、平時忠
等、平氏族黨殺獲溺没、殆無孑遺、參取玉海、東鑑、百鍊

鈔源平盛衰記、平家物語、四月、義經奉鏡璽及皇太后二
宮、以俘虜旋于京師、東鑑、源平盛衰記、平家物語、記、平家物語、範賴留
豐後、鎮撫筑紫、時征西將士不由賴朝奏請、
拜衛府諸司者多、賴朝下書讓責、各留直禁
庭、不許東歸、諸國兵頻年依託軍糧、侵牟莊
園、鈔奪官物、朝廷嘗敕賴朝治之、既而賴朝
以土肥實平梶原景時為近畿總追捕使、而
其所置吏侵暴特甚、至是賴朝下書誚讓之、
東鑑是月、以虜宗盛功、超敘從二位、公卿補任、東鑑、增鏡



賴朝惡義經自專、嫌隙日甚、五月義經以平
 宗盛及子清宗來、賴朝卻義經不入鎌倉、遣
 時政於酒匂驛、迎而受之、東鑑復付義經送京
 師、斬之於途、玉海、東鑑、源平盛衰記、平家物語七月使中原
 久經、近藤國平、齋院廳下文、抵太宰府、悉復
 兵士所侵國衙莊園、東鑑八月先是奏請以義
 經為伊豫守、又舉宗族有功者為諸國守、山
 名義範、伊豆守、大內惟義、相模守、源平盛衰記作越
 守、中足利義兼、上總介、加賀美遠光、信濃守、安

田義資越後守、至是朝廷聽之、十月範賴還
 自筑紫、初行家匿居京師、賴朝疑義經與行
 家相倚託、抗已、遣梶原景季就伺其動止、遂
 遣土佐房昌俊襲義經、反為所殺、行家義經
 遂乞奉宣旨討賴朝、法皇難之、左大臣藤原
 經宗奏曰、不如姑許其請、出之畿外、然後遣
 使諭意、賴朝公卿僉同其議、獨右大臣藤原
 兼實以為賴朝罪狀未著、輒下宣旨、非臨御
 之道也、然法皇懼義經之逼、卒賜宣旨、玉海、東鑑



時賴朝慶勝長壽院報至、神色夷然、居二日
 竟為法會、既歸、令將士曰、明日將赴京師、擇
 啓行者、小山朝政及弟朝光等五十餘人、請
 直發、及曉、令曰、先我未至京師、速誅行家義
 經、如二人既出京師、姑俟吾至、後五日、賴朝
 發鎌倉、移書諸道、緣道相會、十一月至黃瀨
 川、聞行家義經西奔、而引還、以義經姻屬故、
 收河越、重賴下河邊政、義食邑、賴朝怨、賜行
 家義經宣旨、討已、屢訴、寃于朝廷、朝廷窮迫、

猝下院宣諸國、搜捕行家義經、東鑑賴朝遣時

政守護京師、用大江廣元議、使時政奏曰、行

家義經逃竄、難輒搜捕、若隨聞發兵、則郡國

虛耗、其費不貲、請令臣諸國置守護、莊園置

地頭、就所在擒獲、則不勞而自定、東鑑參取源平盛衰

記、平家如其兵糧、五畿山陰山陽南海西海

二十六國、段別課米五升以充之、參取玉海東鑑源平

盛衰記、平家又請為總地頭、保曆法皇心難之、

公卿皆憚違賴朝意、遂聽之、平家物語、賴朝保曆間記

既為總地頭、諸國地頭皆以家臣為之、參取承久

記、增國司之權移於守護、領家皆喪其地、而

朝廷愈衰矣、神皇正統記、參十二月遺兼實

書曰、前者平氏悖逆、陵暴罪惡充盈、賴朝時

在遠竄、雖未承明詔、奮身建義、志圖剪滅、賴

天祐皇運、賊徒授首、得以歸福、祚於廟堂、四

海翕然、莫不懽悅、其間差遣兩使、巡察近畿

十一國、禁止侵掠、然凡事奉旨、靡有專斷、尋

令兩使奉院宣、按鎮西四國、如原田種直、菊

池隆直等、沒郡邑者、例宜置使治之、而尚不

敢專矧他州郡乎、事無巨細、欲一遵院宣以

除兇寇、而今朝廷遽補義經、九國地頭、行家

四國地頭、如此則前後乖繆、無所適從、二兇

恃力煽亂、相率而西、自罹風濤、船隻漂覆、徒

屬亡滅、脫身竄逃、不知蹤迹、豈非天譴之所

致哉、即發軍士遍索四方、犇走之下、雖或致

搶攘、而捕繫之後、徐歸寧謐、特恐桀猾之民、

為賊誑誤、或依所在武士、託事謀姦、則禍之

所基殆將不測請諸國莊園置地頭職而賴
朝統之非爲一身之謀抑亦爲國家撥亂弭
賊之良規也雖伊豫國亦頗準此如其正稅
雜役百姓或有扞格者乃嚴加督責如夫當
今宜施行者謹注擬以奏之於院今當與天
下更始其處分尤不可不究淵源也天道有
所與不宜顧慮焉乃奏法皇曰請置議奏公
卿以右大臣藤原兼實內大臣藤原師家以
下十人爲之天下之事自神祇至諸道皆以

朝務之餘奏決敕兼實內覽權右中辨藤原
光長源兼忠補藏人頭權中納言藤原朝方
復院御廩別當伯耆守藤原宗賴爲大藏卿
藏人藤原親經爲辨官侍從藤原公佐爲右
馬頭日向守小槻廣房爲左太史令兼實知
伊豫事實定越前宗家石見權中納言藤原
光隆越中實家美作通親因幡雅長近江光
長和泉兼忠陸奧義經行家黨與多在豐後
請臣知此州事以便按治自外官職有關宜

擇其器授之、藏人頭藤原光雅奉行討臣宣
旨、左大史小槻隆職書之、更張之間、用是人
不祥也、宜停其官、參議平親宗、大藏卿高階
泰經、右大辨藤原光雅、刑部卿藤原賴經、右
馬頭高階經仲、左馬權頭平業忠、左大史小
槻隆職、左衛門尉平知康、藤原信盛、中原信
貞、藤原時成、姓據源平兵庫頭藤原章綱等、
竝援姦構亂、宜解官廢放、其他兇類、按論罪
狀、帶職者褫之、沙門陰陽師之徒、與賊交涉

者、一切逐之、朝廷悉從其請、敘任黜罰甚多、

玉海、時藤原基通攝政、更置內覽以分其權、

玉海二年二月、請藤原親光復任對馬守、源邦

業為下總守、藤原季光豐後守、又令家臣久

帶京官者八人辭之、尋以攝政基通奏決追

討議、請使兼實代之、東鑑朝廷從之、公卿補任三月

奏曰、治承以來、兵革屢起、民苦繇役、不暇農

務、關東疲弊殊甚、凡臣所知、相模武藏伊豆

駿河上總下總信濃越後豐後等九國、去年

以往逋租悉已蠲除更自今年量較民力以
收納焉伏願諸國賦稅一切準之以安百姓
既而召北條時政還於鎌倉留北條時定等
警衛京師遣妹夫左馬頭藤原能保還京師
知雜務以廣耳目而移議奏公卿書曰天下
之政宜依諸公議奏以致治平此賴朝之所
以建議也願公平不回釐正庶務賴朝將家
之子從事軍旅久在僻遠未慣朝務諸所奏
請願反覆審勘處以其宜務遵公道雖敕旨

院宣而或有累治體害百姓者則當各竭心
盡言再三覆奏是所望於諸公也知而不言
豈忠臣之義哉五月北條時定獲源行家及
子光家于和泉殺之是月鎌倉黃蝶羣飛鶴
岡尤多六月以民力虛耗賑給相模十二月
以天野遠景為筑紫奉行東鑑是歲遣中原親
能守護京師帝王編年記○武三年二月初
平氏以大夫屬定康姓黨源氏沒其食邑
定康來訴賴朝奏復之六月遣大江廣元於

京師繕治開院八月詣鶴岡始修放生會觀
流鎬馬從茲為例時京師盜賊充斥所在劫
略敕賴朝差遣兵士捕治之賴朝即差千葉
常胤下河邊行平條奏曰北面諸士任檢非
違使自古所難宜精選其人補之功臣子孫
皆至沈滯責在有司宜加甄拔至諸州地頭
臣已嚴加告戒若有不從臣指揮者承敕按
治法皇優容納之行平等執盜斬之京師肅
清四年二月先是義經逃至陸奥依藤原秀

衡無何秀衡死至是賴朝奏請敕秀衡子泰
衡執致義經六月造六條殿是月令坂東諸
國春秋二分放生會日禁屠殺及如火獵癆
魚之類亦永停止之因奏請下敕諸州一切
準此朝廷從之東鑑是歲中原親能辭京師守
護使前中納言藤原能保代之帝王編年記遣天
野遠景等擊鬼界島降之東鑑○古今著聞
五年正月敕正二位公卿補任東鑑二月奏請曰義
顯逃竄未窮搜索恐非所以防後患藤原泰

衡容匿義顯、臣願奉敕以致天誅、義顯者即
義經也、三月修大内、閏四月泰衡襲殺義經、
傳首鎌倉、七月請討泰衡、連奏不已、朝廷以
義經既死、天下略定、宜與民休息、難之、賴朝
用大庭景能策、不待報而發、乃分軍三道竝
進、東鑑以畠山重忠為先鋒、賴朝自帥諸將、進
自中路、武藏上野兵屬之、千葉常胤、八田知
家、將常陸下總兵、經巖城、渡隈河而會、比
企能員、宇佐美實政、將武藏上野兵、由越後

出、出羽念種關、東鑑參取三善康信等留守

鎌倉、八月至陸奥國、見澤、泰衡城、熱借山、熱借

本書作阿津賀志、訓讀相通、今從保曆間記、使庶兄國衡及金剛

別當秀綱將二萬人拒守、泰衡陣于國分原

鞭楯、分兵守出羽、秀綱率數千人陣于山下、

賴朝遣畠山重忠等攻之、秀綱敗走、佐藤元

治陣石名阪、常陸冠者為宗擊破之、斬首梟

於熱借山、三浦義村、葛西清重等夜踰山、直

衝敵城、殺傷過當、翌日賴朝帥眾督戰、城堅

不拔諸將殊死戰聲震山谷適小山朝光宇都宮朝綱麾下兵潛踰嶮岨出敵後大喊射之城兵騷擾不得復鬪國衡逃走追殺之于道敵兵更立將築壘根無藤拒戰安藤四郎等連戰破之泰衡聞國衡敗棄軍而走賴朝進至國府常胤知家等來會時或云泰衡在物見岡或云在玉造賴朝自赴玉造遣朝政等圍物見岡泰衡已去士卒留戰朝政攻破之賴朝至玉造圍多加波波城泰衡又遁城

兵悉降賴朝諭先鋒諸將曰吾軍到津久毛橋則敵必避銳於平泉完聚以待慎勿以寡兵輕圖進取宜整衆軍以擊殘寇深思熟慮不可妄傷一士也進薄平泉泰衡之將捥粟原三迫之險拒守賴朝皆破之遂至平泉泰衡已火城而遁乃召國司藤原基成基成與諸子出降泰衡窮蹙乞哀賴朝不聽九月追至志波郡泰衡從叔樋爪俊衡望風逃走遣三浦義澄等追躡賴朝次于陣岡比企能員

宇佐美實政既定出羽來會衆幾三十萬泰
衡部將河田二郎殺泰衡持其首詣陣岡降
賴朝責曰泰衡固在我掌中今誅之豈假他
人手哉汝弑君以爲功罪在八虐矣命斬之
乃梟泰衡首適討泰衡宣旨院宣始到於是
撫慰奧羽二國遭兵流離者各還本土特給
老人衣馬又索二國省帳田籍皆罹兵火有
土人豐前介實俊及弟橘藤五實昌者諳習
二國事因召覘之圖其所記以獻二國諸郡

稅額戶口鄉里山川大備賴朝嘉之錄用二
人乃歷覽名區慰問僧徒賜寺封如故進次
于廚川俊衡及弟季衡與諸子來降赦俊衡
食邑如故泰衡弟本吉高衡亦降奧羽二國
悉定其所擒獲多釋之於是奏捷京師謝專
征之罪留葛西清重管領平泉檢非違使所
事令家臣在陸奧者稟清重節度論將士功
頒授二國地至國府諭地頭等平租賦省冗
費緩民力乃揭廳壁治務一遵秀衡泰衡之

舊規無所變更是役命上野下野運輸年糧
供給軍資無煩居民人皆悅服十月還鎌倉
命出羽留守檢行郡邑留守欲廢間田地頭
等患之賴朝下書留守曰出羽陸奧東夷之
地風俗各有攸宜前頒新制亦除此二國若
夫間田如何廢之宜一從舊貫無所改革十
一月院宣褒討泰衡功且敕曰降人卿皆論
決不須送京師如卿之賞則依所請將士有
功者以名上之賴朝遣大江廣元于京師辭

謝竟不上將士名且條奏戡定後應施行狀
今歲陸奧禾稼不登加以兵革民不安業是
月命葛西清重振濟窮民磐井膽澤江刺三
郡自山北運農料和賀部貫二郡自秋田郡
輪給種子十二月院宣賜賴朝伊豆相模永
傳子孫且召入朝東鑑是歲遣土肥實平守護
京師帝王編年記建久元年正月先是泰衡將大
河兼任起兵于出羽衆至數千人轉至陸奧
由利維平出小鹿島逆戰敗死兼任兵勢甚

熾會葛西清重告急健步言曰兼任煽亂橘
公成等戰死由利維平逃亡賴朝聞之曰健
步語繆維平戰死公成逃亡也吾以其平生
知之果如其言賴朝發信濃上野兵以足利
義兼爲追討使千葉常胤自東海道比企能
員自東山道同擊兼任其餘將士食邑于陸
奧者皆赴軍相模以西兵備軍須待命鎌倉
遣使陸奧戒將士同謀協議合軍進戰勿貪
功輕進散戰以取敗數日又遣使監陸奧軍

諭千葉胤正等察敵壘所在出步兵間道襲
之戒曰將士有畏懦無勇將親往擊之明日
又遣使諭諸將曰二州之兵雖爲兼任所驅
迫脅從之徒實懷降心宜倡賊軍以歸降者
宥罪彼若謂不免鋒刃則必自爲戰非吾利
也前留守新留守容隱兼任者罪同反逆固
當誅之今且拘之葛西清重所徵罰甲二百
領二月諸將進至泉田兼任邀戰于栗原一
迫大敗諸軍追奔累敗之兼任脫身走爲村

民所殺十月賴朝朝京師騎從甚盛過尾張
到野間莊謁義朝墳墓請僧修法會至美濃
青墓存問驛長大炊女延壽十一月入京師
居六波羅第東鑑先謁法皇然後朝帝玉海東鑑救
直授權大納言尋兼右近衛大將玉海公卿
愚管補任法皇待賴朝甚渥每引見語數刻或侍
側終日玉海東鑑十二月上表辭兩職玉海公卿
故事辭職者不得乘半部車院宣特許焉玉海
東鑑賜大功田一百町玉海愚管鈔法皇敕舉麾下

有殊功者二十人賴朝固辭不得遂舉十人
授衛府官東鑑取玉海參初朝廷往往遣追捕使於
諸國糾察姦盜朝野賴朝亦嘗以家臣為總
追捕使按檢近畿諸國東鑑至是請為天下總
追捕使廷議許之參取平家物語增鏡保曆
年據增鏡保曆間記○平家於是兵馬之權
物語為文治元年事恐誤

悉歸賴朝而朝廷不復得問焉參取承久記
平記太賴朝還鎌倉以外甥藤原高能留守六
波羅東鑑二年正月置政所以大江廣元為別

日本書紀卷一百八十 列傳 十五

當、○按本書壽永三年置公文所、以廣元藤

原行政為令、藤井俊長為案主、中原光家為

知家事、中原親能、藤原俊兼、三善康清、三善

宣衡、平盛時、中原仲業、清原實俊為公事奉

行、○本書載梶原景時侍所司、而文治元年

亦載景時侍所司、則先是既補之也、然其

年月不可考、二月奉敕修法住寺殿、三年三

月法皇崩、法皇從冬違豫、賴朝齋戒、日讀法

華經、又奉劔馬於石清水、懇禱焉、及崩盛修

法會、又置福舍、令行旅居、我縱裕、並取日、鑑東

七月朝廷遣使就拜征夷大將軍、參取東鑑、公卿補任、

帝王編年記、○源平盛衰記、平家物語、並為壽永二年事、誤、初鎮守府置

將軍、自賴朝為征夷將軍、朝廷重其任、為罷

鎮守府將軍、職原鈔是歲遣牧國親衛京師、帝王

編年記、○牧本書作杉、今據武家補任訂之、四年正月始定家人

坐次、四月獵于那須野、東鑑五月校獵于富士

野、關東家人畢會、曾我祐成及弟時致殺工

藤祐經以報父讎、突入幕府、將士出鬪、殺祐

成、捕時致斬之、東鑑、曾我物語、保曆間記、八月拘弟範賴

於伊豆修禪寺、遂殺之。五年八月、聞安田義定以子義資事、怨望殺之。東鑑是歲遣三條有範衛京師。帝王編年記六年三月、先是法皇救僧重源、修造東大寺、賴朝資米一萬石、黃金一千兩、絹一千匹、久而未成、賴朝復給播磨租稅于東大寺、令僧文覺董役、至是功竣、落慶有日、攜妻子如柰良觀之、施馬一千匹。至京師、屢朝謁。七月、還鎌倉、武藏地頭平賀義信有治績、下書褒美。八月、令東國莊園及陸奥

出羽等曰、自今諸地頭有隱強竊二盜及博

徒者、一切罷其職、以授捉搦之者。東鑑七年六

月、平知盛子知忠、匿於京師、聚兵將襲藤原

能保。明月記、異本能保遣後藤基清等圍攻

之、知忠自殺。異本、平家物語○按建久七年

先是平氏遺臣平忠房、盛嗣、盛久、宗助、藤原

忠光、藤原景清等、或結黨起兵、或毀形變服、

狙擊賴朝事、皆不成、相繼禽殺。至是、黨與悉

夷。○按平家物語諸本、知忠敗後、盛嗣、景清、忠光等脫身逃竄、今考東鑑、忠光等被殺

皇朝通志卷一百一十八 列傳

竝在知忠死前是歲遣中原親能衛京師帝

故概置於此編年九年十二月稻毛重成造橋于相模川

落之賴朝臨會歸路墮馬疾作東鑑建曆二

治物語尊正治元年正月以病革薙髮薨年

五十三公卿補任明月記增鏡百鍊鈔○保

的、原、恍、惚、見、義、廣、義、經、行、家、等、之、厲、過、稻、村

崎、見、安、德、帝、厲、於、海、上、遂、感、疾、而、薨、真、俗、雜

錄、曰、正、治、元、年、正、月、賴、朝、謁、鶴、岡、齋、禱、一、七

日、令、安、達、盛、長、留、守、旅、館、一、夕、有、披、白、衣、入

室、欲、自、殺、賴、朝、固、止、之、且、令、秘、其、事、告、中、外

以、暴、疾、是、夜、遂、薨、事、甚、鄙、猥、東、鑑、是、月、闕、無

所、考、然、建、曆、二、年、二、月、載、相、模、川、歸、路、得、疾

不起、事不可、誣、蓋、好、事、適、後、鳥、羽、上、皇、將、幸

者、妄、為、此、說、今、不、取、蓮、華、王、院、聞、賴、朝、薨、而、罷、玉海、參、取、賴、朝、好

和、歌、善、射、屢、令、將、士、講、流、鏑、馬、牛、追、物、笠、懸、

親、試、其、優、劣、常、以、節、儉、率、下、召、藤、原、俊、兼、衣、

服、鮮、麗、賴、朝、命、取、其、刀、親、截、其、裔、戒、之、曰、汝

有、材、幹、盍、守、儉、素、若、千、葉、常、胤、土、肥、實、平、等

介、胄、武、夫、不、曉、禮、法、而、其、采、邑、之、大、亦、非、汝

之、比、猶、能、麤、薄、自、持、以、富、其、家、多、養、士、卒、志

在、建、功、汝、何、不、思、之、其、在、京、師、詣、四、天、王、寺、

大日本史卷一百一十八 列傳

藤原能保等課所領郡邑各將獻酒食賴朝聞之慮其擾民糜財命止之遠近稱焉東鑑初賴朝以奔敗之餘殲滅平氏酬功報德平氏之奔西海賴朝特奏宥平賴盛復其爵祿乃迎致鎌倉禮遇隆渥以酬池禪尼又召平宗清將厚報之宗清稱疾不至東鑑源平盛衰記丹波藤三國弘纈纈源五盛安皆有舊恩頒給食邑常曰吾首不斷者池殿之恩吾髮不剃者盛安之忠也平治物語賴朝為人面大而身短風

度温雅音吐亮朗源平盛衰記沈毅有度量

算不前定未嘗舉事故軍無敗衄將士畏服

然猜忌寡恩骨肉功臣多遭殺戮初賴朝祖

先世有戰功關東將士久戴源氏至賴朝開

府于鎌倉號令天下兵馬之權悉歸焉世稱

鎌倉右大將又曰鎌倉殿參酌諸書大意三子賴家

實朝自有傳庶子僧貞曉賴朝患政子妒婢


潜附于仁和寺僧隆曉為弟子住高野山明

記東鑑○尊卑分朕曰賴朝子僧能寬為權大僧都住高野山自殺其事與貞曉相似疑

非別人也、印本尊卑分、島津忠久、大友賴直、竝為賴朝子、然古寫本皆無所見、且云賴朝無子、孫、印、本、所、載、未、知、何、據、島、津、家、傳、曰、朝、企、能、員、妹、丹、後、局、寵、于、賴、朝、有、娠、避、政、子、比、企、能、赴、西、國、過、住、吉、社、產、子、即、忠、久、也、為、宗、廣、言、婚、冒、姓、惟、宗、建、久、七、年、謁、近、衛、殿、許、稱、藤、原、而、三、長、記、建、久、九、年、東、鑑、安、貞、元、年、竝、書、惟、宗、忠、久、不、稱、藤、原、其、說、既、可、疑、且、東、鑑、粗、載、忠、久、事、蹟、而、不、言、為、賴、朝、子、據、除、目、大、成、鈔、則、久、壽、二、年、忠、久、以、藤、原、賴、朝、長、薦、任、播、磨、少、掾、是、時、賴、朝、僅、八、歲、其、非、賴、朝、子、明、矣、吉、見、家、譜、以、忠、久、為、廣、言、之、子、其、說、近、是、卧、雲、日、件、錄、或、為、義、朝、子、皆、從、軍、而、忠、久、無、所、久、既、長、大、時、義、朝、諸、子、皆、從、軍、而、忠、久、無、所、見、亦、為、賴、朝、妾、有、娠、賜、之、齋、院、次、官、藤、原、親、能、局、為、賴、朝、可、疑、大、友、賜、之、齋、院、次、官、藤、原、親、能、生、能、直、冒、親、能、姓、為、藤、原、以、外、祖、氏、稱、大、友、而、東、鑑、亦、不、言、為、賴、朝、子、尊、卑、分、朕、云、能、直、

秀、卿、之、後、而、近、藤、能、成、子、為、親、能、所、子、養、其、說、不、合、島、津、家、傳、又、曰、忠、李、亦、賴、朝、子、丹、後、局、所、生、而、若、狹、國、稅、所、今、富、領、主、次、第、為、賴、朝、乳、母、之、子、亦、不、合、結、城、家、譜、云、結、城、朝、光、亦、賴、朝、子、而、其、說、又、賴、朝、子、千、鶴、實、不、死、子、孫、可、疑、本、堂、家、譜、云、賴、朝、子、千、鶴、實、不、死、子、孫、為、本、堂、氏、其、事、尤、曖、昧、不、可、得、考、凡、諸、書、載、賴、朝、子、孫、者、如、此、之、類、錯、雜、抵、牾、皆、無、確、據、故、今、皆、二、女、長、適、志、水、冠、者、義、高、次、三、幡、稱、乙、姬、幼、蒙、女、御、命、未、及、入、內、而、卒、參、取、東、鑑、

大日本史卷之一百八十終



大日本史卷之一百八十
三十一

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

大日本史卷之一百八十

